

Aalisarneq pillugu Inatsisartut inatsisaata allanngortinneqarneranik Inatsisartut inatsisissaat

§ 1.

Aalisarneq pillugu Inatsisartut inatsisaanni nr. 18-imi, ulloq 31. oktober 1996-imeersumi, kingullermik Inatsisartut inatsisaatigut nr. 5, 21. maj 2002-meersukkut allanngortinneqartumi, makku allanngortinneqarput:

§ 22a ima oqaasertaqassaaq:

"§ 22a. Tunitsiviit nioqqutissiorfiillu nutaat Naalakkersuisut akuersissuteqarsimatinnagit pilersinneqassanngillat. Tamanna aamma atuuppoq nioqqutissiorfiup pioreersup tunitsivittut allanngortiterneqarnissaa imaluunniit aalisakkanik allanik nioqqutissiorfinngortinneqarnissaa kissaatigineqarpat tamanna pisortanit aningaasaliinissamik, tapersiinissamik imaluunniit tapiissuteqartoqarnissanut aaqqissuussinissamik pisariaqassappat.

Imm. 2. Imm. 1-imi aalajangersagaq namminersortut pisortalluunniit suliffeqarfutaasa tunisassiorfinnik pioreersunik matuneqartunik tigusinissaannut akornusersuutitut atorneqaqqusaanngilaq. Tamanna aamma atuuppoq tigusinermut atatillugu tunisassiorneq allanngortinneqaraangat. Allanngortiterinerit akuersissutigineqaqqaartariaqanngitsut imm. 1-imi allanngortitsisoqareertillugu, Naalakkersuisunut nalunaarutigineqassapput.

Imm. 3. Naalakkersuisut akuersissuteqarnerannut atatillugu susassaqtut tusarniaavigineqartassapput.

Imm. 4. Naalakkersuisut tunitsivinnik aamma nioqqutissiorfinnik nutaanik pilersitsineq kiisalu nioqqutissiorfiit pioreersut allanngortinneqarneri pillugit erseqqinnerusumik malittarisassiorsinnaapput."

§ 2.

Inatsisartut inatsisaat ulloq 1. januar 2004 atuutilerpoq.

Namminersornerullutik Oqartussat, ulloq 18. december 2003

Hans Enoksen

/

Simon Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut